

أسامة محمد

قدر مكتوب

شعر

الطبعة الأولى نوفمبر 2020

بطاقة الكتاب

عنوان المؤلف	قدر ومكتوب
المؤلف	د. أسامة محمد
التصنيف	شعر
رقم الإيداع القانوني	2020 - 21681
التقييم الدولي	978-977-6835-44-3
رقم الإصدار الداخلي	685 الطبعة الأولى نوفمبر 2020
عدد الصفحات	100 صفحة
تصميم الغلاف	مؤسسة النيل والفرات

جميع حقوق الطبع والنشر محفوظة للمؤلف، ولا يحق لأي دارنشر طبع ونشر وتوزيع الكتاب أو ترجمته أو الإقتباس منه أو نشره على النت الا بموافقة كتابية وموثقة من المؤلف

مؤسسة النيل والفرات للطبع والنشر والتوزيع

ثورة مصرية تشرق إبداعاً على الوطن العربي

رئيس مجلس الإدارة

ناجى عبد المنعم



رخصة مزاولة مهنة: 58365 - سجل تجاري: - 13242 / 2017 - بطاقة ضريبية: 01-35-572

عضو عامل باتحاد الناشرين المصريين رقم 941 لسنة 2018

هاتف: 01011256943 - 01116202218 - 01202541192 تليفاكس: 020554372901

النيل والفرات nagyegy200064@gmail.com

[alnilwaalfourat](http://alnilwaalfourat.com) alnilwaalfourat@gmail.com

المقر الرئيسي: ج.م.ع محافظة الشرقية - العاشر من رمضان - مجاورة 13 - أمام سنتر الـ13 - قطار 304

مقدمة

الأيام تمر كنهر من الكلمات على سطور
الدنيا فتعكس الأفراح والأحزان وما بداخل الوجدان .

الشاعر أسامة محمد

إهداء

أهدي هذا العمل لكل من يحس بكلماته
ويترجم معانيه بإحساس وشعور.

الشاعر أسامة محمد

بتقرب الأيام

بتقرب الأيام
لنهاية محتومة
ولسه فيه أحلام
وحكاية مقسومة
وكلها أوهام
والقصة محسومة
مهما نقول في كلام
الدنيا مفهومة
عيشها في خير وسلام
تلقاها مهضومة
لو عشت مليون عام
الموت مالوش أومة

بتنفس الكلمة

أنا بتنفس الكلمة
وبكتبها من الوجدان
كما قائد لأوركسترا
بيعزف أجمل الألحان
تعيش الكلمة واللحن في أغنية
ويفضل لي أمنية
أقابل سحر إنسية
وأقول هي
تقول أيوه أنا جيه
وبعد اليوم دا ما في بعاد
أنا إللي جايه بالأعياد

بحر ماريّا

البحر دا حكاية شبابي و دنيتي
وماريّا دي عشقي
وكل محبتي
وإسكندريه أجمل مكان
فيه المحبة والحنان
والموج يوشوش الصدف
وأنا قلبي بالسحر إتخطف
والدنيا هنا معنى الجمال
والسحر والنور والخيال
الله على ماريّا
في ساعة المغربية
وموجة رايحة جاية
تحضن شط الحنية
وليل إسكندرية
أجمل ما تشوف عينيا
مهما لفيت بلاد
بحب إسكندرية

صباح مصرى

صباح مصري بلون النيل
وله معنى وألف دليل
صباح حركة وفيه بركة
صباح الحب والمواويل
صباح تكتك على تاكسي
وناس ماشية طريق عكسي
بخار طالع في قدرة فول
وزيت حاضن في طعمية
وصوت خردة قديمة للبيع
وصوت عصافير في جو ربيع
وعالم تشتري وتبيع
وناس خارجة من المسجد
وكانت فيه بتتعبد
وكانوا في صلاة الفجر
بيدعوا ربنا بالأجر
على وشوشهم إيمان وصلاح
صباحهم أحلى من الأفراح

صباح المسك والعنبر
صباح الحلو والسكر
وبنوتة بصفيرة وشايلة شنتتها
تغني ويا صاحباتها
صباح أرزاق من الرزاق
وسعي ونور مع الأشواق
صباح البسمة بتصبح على المخاليق
وشمس بتحضن الدنيا بضي ونور
أنا بصبح بحب وخير . صباح النور
صباح غفران من الرحمن
وحب وخير مع الايمان
صباح بيغني ويزقزق كما العصفور
صباح الشمس فيه دافية بضي النور
خيوطها شعاع ولونها كالذهب زاهية
وكل الخلق في نور ضيها ساعية
صباح الحب يا عالم ملان هايمين
تعالوا نعيش صباح دافي وكله حنين
صباح الفأس في إيد فلاح
بيرمي البذرة ويسيبها على الفتاح
صباح اللمة والصحبة مع الخلان
صباح النور من الرحمن

ضرب الودع

ولا يوم آمنت بضرب الودع
ولا يوم قرئت فنجان
ولا فكرت في البدع
ولا بآمن للزمان
أنا عارف حدود ذاتي
وعارف إني يوم ماشي
ولا بعافر ولا بهاتي
في دنيا أكيد ما تسواشي
ساعات بحلم بعالم فيه براءة وحب
وناس عايشة على لسانها حروف يارب
وأسافر ويا أحلامي
بدون عنوان
وفي الآخر
أنا إنسان

حفر ذاتك

تلقي سماتك

تتغير في كل حياتك

وإوعاك تندم على يوم فاتك

إهزم خوفك وإنكساراتك

وإستنفّر أروع قدراتك

طلع في الخير كل طاقاتك

عيش عمرك

نظم أوقاتك

خطط حقق

فيه أمجادك

نظم بطريقتك أفكارك
خليك قدوة جميلة لولادك
ولا تتنازل عن أحلامك
خليك مسؤول عن أفعالك
ما تضيعش فيها شبابك
خليك نافع كل حياتك
صلح دائماً سلبياتك
عزز دائماً إيجابياتك
خليك مبدع
كل حياتك
التطوير محتاج لإرادة
و إرادتك هي مفتاح ذاتك

صورة الحلم القديم

صورة الحلم القديم رجعت تغني
كنت بحلم يوم لبلدي تبقى سندي
وأبقى فيها بروحي جندي
لجل أرضي ولجل عرضي
لسه بحلم صوتي يوصل للسمما
حلم مبتورانما
أنا هفضل أحلم
طول حياتي لسه صوتي
كل يوم يهزم سكوتي
كلمة الحق في لساني
عمري ما كنت أناني
والشجاعه تكون في طبعي
والندم ينزل في دمعي
كل عملي لوجه ربي

عالم الغيب

ربك وحده عالم الغيب
كاتب مين هيموت ويطيب
كله قدر وقسم ونصيب
مهما تكون عبقرى ولبيب
وحتى زعيم ووزير وطبيب
المكتوب حتماً هيصيب
ربك عالم بالأقدار
والمسألة ما فيهاش أسرار
ولا جو تهريج وهزار
سترك سترك يا ستار
ومفيش من مكتوبنا فرار
إبدأ من جواك بقرار
وإرجع لله الغفار
صالح نفسك صالح غيرك
قبل نهاية المشوار

دي كورونا رسالة للندنيا
ولا هيكون بعدها أعذار
ربنا سامع كل دعانا
حاسس بألمنا وشكوانا
رغم العجز ورغم الضعف
ربك عمره ما هينسانا
غير نفسك راح يتغير كل مصيرك
أصل الحل في أيدي وإيدك
لو أحسنت الظن بربك
من الخير والأرزاق هيزيدك
يلا نقول كلنا يارب
ونردددها بنبض القلب
ونعيش بين الناس بالحب
إكشف عنا الغمة يارب

عام جديد

مرت سنة من عمرنا
ولسه عايشين فى الحياة
وواجبنا نسال نفسنا
إيه اللي قدمناه
أيام ومعدودة لنا
والعمر منحة من الإله
الدنيا دي لغز عجيب
يضحك علينا كلنا
أقدار وقسمة ونصيب
مكتوبة جوا قلبنا
والرحلة ماشية فى الطريق
فيها العدو فيها الصديق
تلقى الحبيب تلقى الرفيق
وإفهم حياتك كلها بروح الإنسان

دا كلنا ضيوف الرحمن
إغاط . أكيد هتزيد ذنوب
لكن بسرعة لازم تتوب
زود كتابك خير ونور
الدنيا دي لازم تدور
ملهاش ثقة ولا أمان
ولا فيها عدل ولا ميزان
وقانونها من صنع البشر
والرحمه من رب القدر
لازم نشوف الصوره تاني
من بعيد
عشنا سنة من عمرنا
إيه الجديد؟
أضفت إيه في عمرك
أحسننت يوم عملك
حاسب وراجع نفسك
دا طهارة من ذنبك
وإعمل حساب اليوم
اللي لا ينفع فيه

ندم ولا يفيد نوم
وكلنا مفارقين
والرب هيجاسب
وهيسأل على السنين
وانت هتجاوب
متضيعوش العمر
في اللهو والضحكات
دا العمر فيه أفعال
وفيه شقى وأزمات
وكفاح وكد وتعب
وندم على الزلات
ووقوع مع عثرات
وتحقيق أمنيات
ويارب عامنا الجاي
أجمل من اللي فات

علمتني حياتي

علمتني حياتي إني
أسأل الدنيا سؤال
ليه يا فرحة بعيدة عني
إمتي نتلاقى في مجال
ويا أحلام التمني
كل آيات الجمال
دنيا كل ما فيها ماسخ
طعمها طعم السعال
لونها لون باهت عجيب
فيها ناس غاوية الضلال

والبريق الحلو فيها
لما تمشي في الحلال
تكسب اللقمة الهنية
بالتعب من غير جدال
إوعى تفهم الحياة
إنها ثروة ومال
الحياة زمن نعيشه
له نهاية مهما طال

على أد الإيد

على أد الإيد

إحساسي يزيد

والنبض بيكتب كلماتي

والقلب سعيد

الحب وجودي وحياتي

و الشعر وليد

من أعمق أعماق وجداني

وروح التنهيد

مش بملك إلا أشواقي

على أد الإيد

عكس الإتجاه

ماشيين في عكس الإتجاه
فاكرين هنوصل للنجاة
والقلب مجروح من الحياة
مليون ندم مع ألف آه
ماشيين في عكس الإتجاه
طايفين بعكس الإتجاه
وهنتهي بينا الحياه
واحنا في عكس الإتجاه

عيد الحب

عيد الحب أجمل معنى وما أحلاه
أصدق حب هو الحب لوجه الله
حب الدنيا أصل الدنيا خلق الله
أجمل معنى للإنسان
لما يكون الخير جواه
عيد الحب عيد للقلب
وأجمل حب ونور الحب
عطر القلب رسول الله
دنيا نعيشها من غير حب
إزاي فيها نوصل لله
ربنا رب الخير والحب
ويوم عيدك هو حب الله
حب حياتك حب جيرانك
حب صديقك حب ولادك
بر الأم وبر الأب

بكل الحب
وإعشق دائماً أرض بلادك
عامل كل الدنيا بحب
وإعرف إن الحب سلاحك
نور الحب يضيء العمر
خليه ذكرى بعد مماتك
ولسانك عطره بالحب
أصل لسانك هو حصانك
عندي الحب وسام في القلب
أجمل أيام حب في حب
وما تجرحش الناس بالكذب
عيش أيامك حب في حب
وأجمل كلمة حب تقولها
دعوه جميله وقول يارب

عيد الأب

يا كل أب في عيدك
ولا حد حاسس بيك
الأم واخده نصيبتها
والكل يا أبويا ناسيك
مع إنك إنت السند
بتضحى آه للأبد
وهيعرفوا قيمتك
لو عاشوا من بعدك
الأب دا عزوة
لكنه في النسيان
حتى في يوم عيده
الكل في التوهان
لا حد بيغني
ولا هو سيد الحبايب
ويا عيني مستني
يمكن بيقاله نايب

قدر مكتوب

قدر مكتوب ولسه يدوب
بنتنفس
ونبض قلوب
يحن يتوب
ويتحمس
ويفضل في الحكاية فصول
في عالم صعب مش معقول
لا ينفع فيه بنون ولا مال
وطعم الفرخ فيه دا محال
ودنيا غريبة الأحوال
ومليانة كتير اندال
ويبقى سؤال
يا حال إمتى هتتبدل
وإمتى أمورنا تتعدل
عشان ما نقولش تاني الآه
ونتعلق بطوق ونجاة
لازم نمشي في طريق الله

في الدنيا

في الدنيا دي
ليه كل حاجه
ماشية بالمقلوب
ليه الطيابة والمحبة
بتموت جوا قلوب
والمال بقا هو الحكم
والناس في حب المال تدوب
والقلب لو فاضي ومات
بقا المهم .. نملى الجيوب
صفحة ذنوبنا بتتملي

وما همناش كتر الذنوب
بندوس على غيرنا كتير
وبعد كده عاوزين نتوب
خد كل حاجة من الحياة
خد مال وخد سلطة وجاه
والموت لو انت وانا نسيناه
آخر الطريق لازم نلقاه
إفرح وإضحك وإتوجع بالآه
بس إفتكر دائماً تقول الله

قسوة الدنيا

وكل ما أقول هتتعدل
بلاقي الشوك
والاقي قسوة الدنيا
مع مرارها
والاقي الحال بقى أسوأ
أقول الحمد ليك يارب
والاقي كل يوم قسوة
من الأيام
والاقي حتى احلامي
بقت أوهام
وبتحمل مراره وأقول راح تعدي
وما بتعديش
كإن الدنيا دي عدو
وما يرحمنيش
وأقول هانت مسير الفرحة توصلي

والاقي الفرحة ما بتجيش
وتيجي لحدي ما تخطيش
كان الحظ في الدنيا ما ليش أنا فيه
كأني فيها لازم أموت وأنا عايش
وكل الهم يصاحبني
والاقي الدنيا تظلمني
وأعيش فيها بدون إحساس
ما انا واحد في وسط الناس
يا دنيا إسمعي مني
ويا هم إبتعد عندي
نهارك زي لياليك
وانا كاره أعيش فيك
وعارف إن أيامي
لا بايديا ولا إيديك
وراحل من أراضيك
وكنت أتمني فيك اليوم
تراضيني وأنا أراضيك
دا كل الدنيا دي أو هام
مسيرنا نودع الأيام

وانا عن نفسي مستعجل
أسيب الدنيا دي وأرحل
واقابل وجه رب كريم
أكيد ربي بعده رحيم
ومش ممكن أعيش همين
ما فيش حد يعيش عذابين
عذاب الدنيا والآخرة
يا دنيا ما فيش في قلبي
أي رغبة وحب
ولا عايزك بعقل وقلب
ومستني اليوم الموعود
لربي أعود

قصة حياة

وياما تعدي في حياتنا

فصول وفصول

وقصة لو هحكيتها

كلامها يطول

لكن بالمختصر عشنا

بروح إنسان

بيغلط آه

وبيتوب تاني للرحمن

وأيام دايرة مع أيام

ساعات نفرح

ساعات نجرح
وطعم الفرحه والأحزان
ذنوب في ستائر النسيان
وطول العمر نتمنى
نعيش في أمان
ومين فينا ما يعرفش
بان الدنيا دي فانية
ولا يمكن هنفهمها
بدون ما نحس بالإيمان
وكل الناس اكيد شربت
مرار حرمان
مزيج من خوف مع حيرة
وأحداث مرة وخطيرة

نجاه المحنة بالإحسان
وبقلوب راضية وبصيرة
وأنا إنسان ضعيف جدا
ويوم العرض أكون فردا
ولا ينفعني غير عملي
ورحمة عظيمة من ربي
شفاعة من حبيب قلبي
محمد خير خلق الله
وفي حياتي أنا محتاج
لرحمة ربنا الستار
ولا لنا في قدرنا قرار
وربك خالق الأقدار
وبعد الليل هيبجي نهار

قلوب الناس

قلوب الناس

معادلة مستحيل تتقاس

ودا طيب ودا قاسي ودا بينداس

ولو قلبك ماك عقلك

وكان النصر للإحساس

تكون إنسان تكون حساس

وحاسب تغلبك دنيا

وركز في حياة تانية

دا بعد الموت هتبقى وحيد

ولا يمكن تعود وتعيد

وربك هو رب قلوب
بسرعة إرجع يا عبد وتوب
وصالح بالصلاح قلبك
فيسكن فيه أوام ربك
وتلقى سعادة الدارين
يارب آمين يارب آمين

قطار الموت

قطار الموت محطاته بقت زحمة
على القضبان ماشي ودايس مفيش رحمة
ونسמע كل يوم أعداد من الأموات
هلع وفرع من فيروس لو غار يتمات
كإن كورونا ملك الموت
وحاصدنا بكل سكوت
لكن لازم بعلو الصوت
نحافظ ونلزم البيوت
وكل واحد وله دوره
ولا كورونا ولا غيره

يغير في قضاء الله
دا كله من جنود الله
بلاش إشاعات تخلينا
نخاف ونموت في ليالينا
دا درس وعبرة للإنسان
وبعد الضيق نعيش في أمان
وكل أوان وكل زمان
أملنا في ربنا الرحمن

دهبيات

يا شمس شعاعها دهبيات
وكل شعاع معاه
للمغرمين نجمة
ملايين النجوم حوالياك
بتجري عليك
وتتمنى ولو كلمة
وأنا كوكب ومداري
وحواليا براكين شوق
وزلزال هز وجداني
وأروح على فين
وحوالياك كتير وكثير

وبغزلك من الحرف
الكلام بضمير
وأخلي الشعر ليك سفير
وأقول كلمات مع عبارات
ونور العين كما النجمات
وننك شمس دهبیات

دمعة عينيك

في دموع عينيك
الشمس غابت
والدنيا مبقاش ليها لون
وأنا قلبي ليك
بيخاف عليك
يمسح دموعك من العيون
صعب يا دنيا
وحياة عينا
أشوف دموعك في العيون
ولا عمرك في يوم هتهون

شهر زاد

حاسس كأن شهرزاد
طايرة بجناح في السما
تحكي حكاية السهاد
وليايلى حلوة ومغرمة
دنيا بتاخذ منها حاجة
وتكافئها بأحلى حاجة
هى فعلا طيبة
شهرزاد تحكي الحكاية
وانت تتمنى تعيشها
بس لسه فيه بداية
بتناديك تعرف طريقها
كل ما تقرب تشوف
الجمال ممزوج بخوف
هى فعلا شهرزاد

شجن

على صوت النغم ألحان
بيعزف الشجن حرمان
وعاشق في الهوي نشوان
لهيب وشموعه من نيران
وحبيبي غدار من زمان
ولا عمره حسني الأمان
بيجرحني في كل أوان
وعشان تنتهي الأحزان
هنبعد ويتوه العنوان

صاروخ

صاروخ صاروخ صاروخ

بيطير النافوخ

كل اللي شاف جمالها

من سحرها بيدوخ

ملبن وحلويات

وعيونها عسليات

وأما بلمح جمالها

القلب يقول آهات

حبيبتي صاروخ بجد

مش زي أي حد

وساكنه جوا قلبي
هي حبيبتي بجد
وقوام حير عقول
زي الكتاب ما يقول
حبيبتي الغالية عندي
في كل الفصول
خفه ودلع زي السكر
بتمشي حلوة بتمخطر
صاروخ وعلى الأرض وماشي
وأنا في حبها متمسمر

صك الحرية

صك إمتلاك قلبي

لحبيبي سلمته

وهعيش معاه عمري

دا فاهمني وفهمته

صك الحرية

من قلبك وعذاب الحب

صك الحرية

عشان قلبي ما بقاش بيحب

وأنا عايش علشان أنا عايش

مش عايش ليك ولا لغيرك

ولا عدت بغني مواويلك

ولا قلبي بيسهر يحكيك
وبقيتي عندي منسية
ومعايا صك الحرية
وأمان للأيام الجية
ولا عدت أفكر في وجودك
ولا عاوز أقرب لحدودك
ولا عاد لي أي أمنية
ومعايا صك الحرية
عايش لجل حياتي الجاية
لا أنا قلبي أد المدادية
ولا أطبب وأحن شوية
في البعد أنا عزمت النية
ومعايا صك الحرية

عمري ما حبيت

عمري ما حبيت في عمري
حتى ليلى ما شافش قمري
عارفه يعني إيه حبيب
اللي بيحس بحبيبه
حتى لو كان موش نصيبه
واللي يفرح لما يلقاه في حياته
واللي يفهم كل حرف من سكاته
دابماً يفكر فيه
ويسافر في عينيه
ويجيله في الأحلام
ويكون لامس إيديه
وحتى لو غايب
يحسه طيف حواليه

صورة مشاعري

صورة مشاعري ووحدي

جوايا مليون حيرة

إنتِ حبيبتي و دنيتي

وإنتِ في قلبي أميرة

وإزاي أعيش الحب دا وحدي

وأسهر أفكر فيك يا عمري

وإنتِ ما بين أحضاني

قلبك في حبي أناني

والدنيا وخداني

وأكيد أنا راجع

لحضن أوطاني

شمس الدفا

ليل الوفا

جاي من بعيد

بينادي على شمس الدفا

والشمس مكسوفه في سماها

بينهم غيوم وسحاب

وسكة الأحباب

نازله دموع من السما

حاضنه الليالي بالمطر

سكة سفر و عذاب

مرسومة في حزن الهوي

ملهاش ملامح أو دوا

فيها المحبة والجفا
حتى الوفا كداب
في شمس الدفا
وليل الشتا
طويل طويل
والشمس إحساسها جميل
لإنها معنى الوفا
شمس الدفا
على كل حب
تدفي قلب
وتسأل النور والجمال
ما فيش محال
والحب في القلب إبتدا
في شمس الدفا

عيد ميلاد

عيد ميلاد الليله مين
عيد ميلاد ست الحلوين
كلنا بيها فرحاتين
والشموع منورين
والحبايب مبسوطين
عقبال أحلى سنين جايين
ولا أشوف قلبك مره حزين
عيد ميلاد الليله جميل
وإنتي النجمه منوره ليل
ونغنيك المواويل
سنه حلوه عليك يا جميل

عيونك

كل ما أبص لعيونك
بلقى كل الحيره في النن الجميل
عارف إني حبي ليك مستحيل
بس أعمل إيه في قلبي
قلبي حبك
نفسى أبعد تاني عن كل العيون
تعرف إني بيك مفتون
كل يوم بنادي عليك
عاوز المس يوم إيديك
صداقيني .قلبي حبك من زمان
بس عارف إن قصتنا
هتبقى كان وكان

بخاف عليك

حبيبي زي ما سكتك ترميك

ياما كنت بخاف عليك

بس كله زي بعضه

عمري يوم ماكنت ليك

أو عشت يوم ما بين عينيك

كله بيفارق ويبعد

بس ممكن فيه رجوع

أما أنا عرفت إن راحتك

في البعاد وطفيت شموع

وعشان كده من غير وداع

قلبي مش نادم
على عمري اللي ضاع
وبودع القلب اللي
سايبه في حضنكم
وخاف عليه
أنا مش بقولك حس بيه
خليه يومين ومسيره راجع
ويا أحضان المواجه
والزمن شاهد عليك
كنت دائماً أخاف عليك

فاكرة

فاكرة يوم ما قلت لك
تيجي نكون حبيبين
كنا بنقولها بضحك
بس قلبي كان ساعتها كلامه جد
أصل لازم تعرفي
كل ما بشوفك أنا ببعد وأكلم أي حد
كنت بهرب من عيونك
من سنين قلبي هواك
بس عمري ما حكيت
لو في يوم هيكون معاك
قلبي هيلاقى له بيت

ممکن

ممکن نقابل ناس
لکن بدون تأثیر ولا احساس
ونعیش حیاتنا کلها ندور
ونلف فی الدنیا ونتحیر
وکلها مشاویر
ونعیش العمر کلہ
وأمنیاتنا خیر
ویوم ما نقابل إلی
حقیقی یفرحونا
نحس احساس تانی

علشان بيشبهونا
وتحس بقربهم
وانك بتعزهم
وتتمنى وجودهم
وتحب شكلهم
ترتاح لأرواحهم
وتحس بكلامهم
ولو يوم يبعدوا
قلبك يعيش حيران
وتحس بالحرمان

في عز الليل

في عز الليل
وانا بكتب في أشعاري
من الوجدان وأفكاري
بحس بخوف
وأحس بدنيا هتعدى
وبعدى يعيش ألوف وألوف
وأسأل نفسي وأتعجب
اداري دموعي واتعذب
بنار معرفش ليه أيدة
لا هي نار من الاشواق

ولا نار هجر فيها فراق
لكن نار كلها أحزان
يا دنيا عمري ما طلبتك
ولا قلبي في يوم حبك
ولا حاسس بطعم الفرح
دا كل اللي بعيشه جرح
ولا يمكن هكون عبدك
انا دايماً هكون ضدك
ولا بعشق نساء ولا مال
ولا منصب ولا أفعال
انا عايش ومستني تمر أيام
ما عاد في دنيتي أحلام
دا دنيا كلها أوهام

فيه ناس

فيه ناس تتمنى قربك
وناس فعلا تحبك
ولكن مستحيل
وناس أرواحها شبهك
زي شمسك وقمرك
ونجوم تضوي في ليل
وناس تايهة في وهم
عايشة عالم إفتراضي
فيهم عديم الفهم
وكل دا على الفاضي

وأغرب ما في الحياة
اللي تعيش وياه
ما يستمر معاك
لو إنت يوم هنا
هو بيبقى هناك
وصحيح أرواحنا يمكن
خطين بعاد عن بعض
لكن من جوا قلبي
ما تتقارنش بحد
علشان إنت حبيبي
وكل عمري بجد

قابلك صدفة

قابلك صدفة على صفحة كتاب عمري

وقلت ساعتها وصل السعد يا قدي

عيونك إيه...دي ملهاش زي

وخذك ورد نوره ضي

وأجمل واحدة في الدنيا

ومش هبعد ولا ثانية

وصفت الفرحة في عيونك

وقلت ساعتها مجنونك

وقال الرمش أحلى كلام

وقلبي دق من تاني

وحبك هو عنواني
يا ست الناس
أنا مملكش غير إحساس
وقلب يدق بمحبة وبالاشواق
وانا لعيونك الحلوة كتير مشتاق
وحبيتك . لكن قلبي دا حب كتير
ويمكن بكره يا حبيبتى يكون تغيير
أنا قلبي كما المجنون
على بر الهوى ومفتون
ونبضه عاشق للعيون

قلبك ضعيف

قلبك ضعيف
بتحبي ليه تبعدي
وانت اللي عمرك
في الهوي ما بتكدي
قلبك رقيق
مهما تحاولي تهربي
حبك برئ
فمتكريش وتبدلي
حبك لقلبي ملا كيالك
يا حبيبتى تصوري

مهـما عانـدي الـليالي
مـسـتـحـيل حـبي تـنـكـري
أنا حـبـيبك من زمان
كـنت بـقلـبـك بـتـدورـي
وعـشان أنا حاسـس
بـحـبـك فإعـذري
لـما أحـبـك أـد حـبـك فـقـدري
بـتـقـولـي أنا رـوحـك وقلـبـك فـسـري
وإـوعـي تـخـلينا عـلي الحـب نـفـتري
قلـبي شـاريـك وإنت وـاجـب تـشـتري

كان وكان

كان يا ما كان

محبهاش

أنا احب أكون يومي

وأنسى هنا همومي

وأمشي الطريق وحدي

طول ما النفس موجود

لا ندم على اللي راح

مكتوب ألم الجراح

ومهما طال الليل

أكيد بعده صباح

شاييل معاه أفراح

مع إني مستغرب
من شمس نور تغرب
وهيحي تاني الليل
لكن حبيب عمري
شمسي كمان قمري
ويكون معايا دليل
وأنسى اللي نسيوني
والله هنساهم
وأنسى ذكراهم
وأعيش يومين باقيين

كلمة بحبك

كلمة بحبك لو من القلب بتسحر
بترجعك للدنيا تاني و حب أكثر
أجمل مشاعر في الهوى
ولللجروح أجمل دوا
ومطر على أرض بور
ودفا ونور
كلمه بحبك

كل يوم

كل يوم أسأل عليك وأتمنى قربك
عاوز أعيش العمر وياك وأبقى سندك
قلبي ويا مشاعري كل دقيقه حاسك
كل أحلامي بتعزف لحن حبك
إنت عمري وكل نبضي جوا قلبك
كل معنى للجمال بلقاه في صورتك
حتى إحساس الحياه لو مرة شفقتك
والقمر بدر في سماه مش زي قمرك
عارف إنك في البعاد دا غصب عنك
بس قلبي لسه فاكرك. لسه بيحبك

قلبي متوغوش

قلبي متوغوش عليك
من يومين بسأل عليك
عاوز أطمئن عليك
عيني وحشتها عينيك
روحي تسبح في عينيك
في الدموع اللي في عينيك
قلبي دائماً بيناديك

ليل الشتا فكرنى

ليل الشتا فكرنى بالحب القديم
يا ما زمان كنا في سين
كنا في جيم
والحب ضاع
عن الطريق المستقيم
لكن بتندهني
حكاوي الذكريات
لما الشتا بيرجع
تنادينني الآهات
ومن زمان
الحب فات
من غير عتاب
مات من سكات

مع الوحدة

مع الوحدة
برغم إن القلوب حواليك
تحس إن الحياة زحمة
وكل الكون ينادي عليك
لكنك في زمان قاسي
ولا يمكن يحن عليك
تسافر في الحياة رحلة
لكن جواك أكيد وحدة
ونار حيرة بلا دخان
وتوب دايب من الأحزان
وملكوت ربنا عالم بتصريفه
وحواديت كلها واحدة
بنفس القصة والأبطال
ولو مستني هنا فرحة
أكيد دا محال
يا شجر الصبر يا طارح

على فروعك ثمار الهم
أنا دائماً بعيش سارح
في دنيا هم ما يتلم
وأصافد في الحياه مخاليق
على لسانهم سموم تعابين
وصعب تلاقي حد بريء
وقلبي ملان براءه ودين
وفي الدنيا كثير مساكين
وحضن الدنيا كله حزين
وفيها ناس كثير ظالمين
ووقت الموت أكيد راجعين
لوحده بس من غير ناس
ولا أشواق ولا إحساس
ولا قالوا ولا قلنا
ولا عادوا ولا عدنا
يا قمر الليل يا سابح
في سما ليل الحياة
وحوالك السحاب طارح
نجوم هايمه ونور محلاه

ومين في الدنيا دي حبك
مع إنك أنيس الليل
ومين يعرف هنا قدرك
ومين غنالك المواويل
يا شمس الصبح يا دافية
شروقك للحياة عافية
ومين في الدنيا دي عشقك
مع إنك دوا وصافية
ويا جبال بالرمال صفرا
ويا أنهار سدود وبحور
يا خلق الله وملكوته
ومين فكر في إبداعه
ومين يشكيله أوجاعه
مفيش في الدنيا دي أقرب
من الخالق تقول له الآه
ولا هتחס بالوحدة
ما دام بتنادي يا الله

رباعيات

يا قلبي يا مجروح
من نار حبيب الروح
في الحب دا مسموح
إني أقول وأبوح

...

لون الهوى أطياف
والحب دا أصناف
وبوصف الأوصاف
دايماً أنا وصاف

.....

شباك الهوى عمري
وعرفت مين قدرني
الشمس من بدري
شاهدة مرار صبرني

...

عشت الهوى براحتي
وقلت يا بختي
ضيعت أنا وقتي
ولا جيتي ولا رحتي

...

بعرف على أدي
وبعيش التحدي
والعشق في وجدي
وبنادي وتردي

مستعد أعيش عشائك
بس خليني في بالك
عمر قلبي يوم ما خاتك
بعشق الدنيا في جمالك

.....

يا حبيبي يا طيبي
يا منايا يا لهيبي
إنت عايش في دروبي
غنوة القلب ومحوبي

....

يا نجوم فوق في السما
مادد الإيد إنما
الحياه متقسمة
مستحيلة وممكنة

الدنيا دي حكاية
وقصة ورواية
وحيبيي ويايا
بيملئ دنيايا

...

يا عيني على المظالم
حياتهم نار جحيم
لكن القلب اللئيم
غير القلب السليم

...

يا سلام على الأيام
ودنيا من الأحلام
هنعيشها خير وسلام
من غير جراح وآلام

لو تعيش من السنين ألف
ما تلاقي شبيهي مهما تلف
القلب ويا القلب نفس الصنف
روحك في قلبي مرسومة هنا على الكف

...

بحبك حب مش معقول
وأغني من الحروف وبقول
دا قلبي وعنه مش مسئول
وعشقتك يا حبيبي علطول

...

ومش هبعد أنا تاني
لإنك روح في ألحاني
نغم عايش في وجداني
وعشت الدنيا وزماني

يا رايح مكة خدني ياريت
أنا نفسي أزور البيت
وفي الكعبة بدموعي بكيت
على محمد أنا صليت

...

حب الوطن طول الزمان
حب المحب للمكان
هو الملاذ هو الأمان
وإنت حبيبي مهما كان

يا عاشقين الحب
وهمس نبض القلب
متونسين بالقرب
ما أحلى زمان الحب

يا قمر نورك جميل
يا صديقي كل ليل
ياما بنغني المواويل
مستحيل هيكون بديل

عدى زمان الصعاب
وكان عذاب في عذاب
وأما لقيت الأحباب
العمر عايشه شباب

....

يا أم الجمال الباهر
والشعر ناعم طائر
وجميل ويا الضفاير
أنا في جمالك حائر

يا ما عليك بسأل
وإنت كثير تتقل
في القرب بستعجل
وإنت بتتمهل

...

وبعت جواب حب في بريد
الحب في قلبي تملي يزيد
وبعيش الدنيا أجمل عيد
مستني الرد بشوق بيأيد

مصري وبحب بلادي مصر
عمري فدا بلدي الغاليه مصر
وقلوبنا بتنبض مصر مصر
وتحيا بلدي تحيا مصر

لو هضحى بكل عمري
للي دايماً شايلة همي
دمها يجري في دمي
أغلى أنثى هي أمي

الساعات بتمر وتعدي
والحياه بتمشي وتهدي
لو طلبت من الزمان ودي
الحياه هتبقى لون وردي

....

بيت الكريم عالي
وكرمه طوالي
في نهاره وليالي
عالي المقام عالي

يادي الصداق على الحب وسنينه
دا الدنيا موج وغدره عارفينه
سابنا الحبيب أومنا إحنا سايبينه
والحب مفهوم وعجنيه وخيزينه

....

أخوك سند وسلاح بجد
لو ما فيش في الدنيا حد
هو يكفيك والسند
هو روحك للأبد

إحنا في دنيا متعبة
لكن قلوبنا طيبة
وعشنا أيام الصبا
لكن النهاية قريبة

عالم ملان ألوان
فيه كفر فيه إيمان
والكل فيه نقصان
بيدور على الأمان

بلاد الشوق تناديننا
تعالوا نلم بعضينا
ونجمع كل حكاوينا
بود وشوق يداوينا

...

شهدنا للواحد الإله
زكاه وصيام وصلاه
والحج لبيت الله
وإسلاماه وإسلاماه

ربيع العمر في عنيكِ
وطيف هايم حوالبكِ
وعطر الحب في إيديكِ
بعمري وروحي أفديكِ

....

يا ليل ونجومه سهرانه
عيون الحب شيفانا
وبدر النور ملا سمانا
في قصة عشق وخدانا

صورة الماضي بتتلون بطيف مجنون
رجعتني لدنيا تانيه وحب كان مسجون
حتى أحلامي في منامي والسكون
طعمها إتغير ورسمت أحلى لون

في حب المصطفى العدنان
يزودني وقار وإيمان
ويبعدني عن العصيان
وأنا في حبه يدوب إنسان

وبيلوموا على الشاعر
لإن الحرف له ناصر
عليه الناهي والامر
وعاشق في السما وطاير

يا آل بيت الرسول
مهما أعيد وأقول
الحب مش معقول
وفي ودكم علطول

عاشق لسيدنا النبي
وحبه دا مذهبي
يا روعي ليه قربي
من نوره إتشربي

.....

كل القلوب بتدوب
ولربها بتتوب
والكل عاش معيوب
وربنا بيتوب

النور دا نور الله
في الدنيا ما أحلاه
وفي الوجود نلقاه
عايشين بفضل الله

شفنا كثير حكايات
عشنا ساعات وساعات
وعرفنا من الآيات
الرحمة والبركات

الدنيا زي النصل
بتصيب ومالهش وصل
وتهين قليل الأصل
بالمثل أو بالفصل

....

وصلينا على نور البرية
وأصدقنا لرب العرش نية
وعشنا مع محمد المعية
وذقنا النفحات المحمدية

وسام النور نجوان ومرمر
ينير القلب في عمري ويظهر
وحب الدنيا والأيام يكثر
وأسأل ربي أن يمتد أكثر

.....

دعوت الله أن يستر عيوبتي
ويمحو سيئاتي وذنوبي
فيا نفسي لرب الكون عودي
وعن كل المعاصي هيا توبي

وكتبت كلماتي
وبها أرى سماتي
أخلصت نيأتي
في عمري ومماتي

شايؑ هنا كل الحكاية
والنفس دائماً نساية
ورحمة ربنا معايا
من البداية للنهاية

يارب الكون أنا إنسان
وظامع ربي في الرضوان
يارب أنا طالب الغفران
يارب يا خالق الأكوان

الشاعر فى سطور



من هو د. أسامة محمد
الإسم : أسامة محمد عبد الستار
محمد علي بدر
الوظيفة الحكومية الحالية :
معلم خبير لغة انجليزيه في
وزارة التربية والتعليم المصريه
عمل بمجال الصحافة كمدير
مكتب لجريدة القلم الحر
حاصل على جائزة التميز من
جريدة القلم الحر من محافظة
الفيوم عام 2016

يعمل كمدرّب في مجال التنمية البشرية
عضو بمجلس الاعتماد الدولي للدراسات والأبحاث
الاقتصادية والسياسية
محاضر أونلاين في العديد من الأكاديميات الشهيرة
كالأكاديمية المصرية العربية
وأكاديمية أصول للتدريب وأكاديمية ريديف وأكاديمية أون
تايم للتدريب والإستشارات

الشهادات الحاصل عليها

ليسانس آداب وتربية شعبية لغة انجليزية عام 1994

1-كورسات تدريبية في مجال التنمية البشرية (Mini Professional Doctorate In Human Development)

2- دبلومة تدريب المتدربين (Training of trainers) (Diploma)

3- كورسات في مجال الإرشاد الأسري (Mini Professional Doctorate In Family Counseling)

4- Mini Master In Human Resources and (Development)

5- دبلومة في علم الصوتيات (Phonetics)

6- دبلومة في تنمية الذات والحركات الجسدية (Body (language and Self –Development)

7-دبلومة في خطة عمل المشروع (Project Action (Plan)

8- دبلومة في الثقة بالنفس (Self- Confidence)

9-دبلومة إعداد مديرين (Managers Preparation)

10-دبلومة في إدارة الأزمات (Crisis Management)

11-دبلومة في الموارد البشرية (Human Resources)

- 12- دبلومة في التخطيط الإستراتيجي (Strategic Planning)
- 13-دبلومة في تدريب المتدربين (TOT) (Training Of Trainers)
- 14-دبلومة في القيادة (Leadership)
- 15- ISDDL CERTIFICATE (Score 100%)
اجتياز برنامج إعداد القادة في التنمية المستدامة
- 17-حاصل على الماجستير في مجال الصحة النفسية
- 18- حاصل على الدكتوراة المهنية من جامعة سوهاج في مجال الصحة النفسية
في رسالة بعنوان الصحة النفسية ودورها في العملية التعليمية
الأعمال التي قام بها
مدرب معتمد من المؤسسة البريطانية
قام بتدريب العديد من المتدربين
-مسؤول التعليم بالإتحاد الدولي لمكافحة الإرهاب
عضو بالإتحاد العربي الإفريقي الأوربي
عضو بمكتب حقوق الإنسان بالمنوفية
- عمل كرئيس لجنة تنمية المواهب بمكتب تحالف حقوق الإنسان
- عمل نائبا للمنسق العام باتحاد صداقة الشعوب الإفريقيه
عمل رئيسا للمكتب التمثيلي للإتحاد الدولي للتدريب والتنمية المستدامة

مفوض لجنة شؤون العضوية بالإتحاد المصري للمجالس
المحلية

عمل مديرا لمكتب جريدة القلم الحر

رئيس مجلس ادارة اكااديمية اون تايم للتدريب والإستشارات
بطاقة عضويه وزماله في البرلمان الدولي لعلماء التنميه
البشريه

عضو هيئة شؤون التدريب والتثقيف بمحافظة المنوفيه عن
جامعة الشباب العربي الافريقي
قام بعمل لقاءات تلفزيونيه عديده
في موضوعات متعدده

التعليم والمواضيع المجتمعية والإرشاد الأسري وتنمية
المهارات وتطوير الذات ومواضيع بيئية
التلوث السمعي والتلوث البصري
والتنمية المستدامة

شارك في العديد من المؤتمرات المحلية والدولية
شارك في برامج تدريبية عديدة

له العديد من دواوين الشعر بأرقام ايداع بدار الكتب المصرية
مثل ديوان البداية وديوان رحيق القوافي وديوان همسة
حب

له عديد من المقالات بالصحف بجريدة الطبعة الأولى والقلم
الحر والجمهورية نيوز والجمهورية اليوم
تقلد مناصب شرفية مثل سفير نوايا حسنة ودرع السلام
الدولي وشهادة سلام عليا

أحد أعضاء فريق أون تايم في العمل المجتمعي
المستشار العام لقناة عين الشعب وقناة حياتنا على اليوتيوب
المشرف العام على جريدة الجمهورية اليوم
مؤلف وأديب وشاعر
حاصل على العضوية العاملة بالاتحاد المصري للكتاب
عضو بنادي الأدب بمحافظة المنوفية
إنه دكتور الصحة النفسية والمرشد الأسري وقائد التنمية
المستدامة المعلم والمدرّب والكاتب والشاعر
ورجل العمل العام المصري الأصيل و ابن محافظة المنوفية
الشاعر أسامة محمد
موبايل 01000203637
العنوان . شبين الكوم بجوار نادي ضباط الشرطه بمحافظة
المنوفية.
ميامي. شارع محمد نبيل حمدي بجوار قسم شرطة سيدي
بشر بمحافظة الأسكندرية.

محتوى الكتاب

2	بطاقة الكتاب
3	مقدمة
4	إهداء
5	بتقرب الأيام
6	بتنفس الكلمة
7	بحر ماريًا
8	صباح مصرى
10	ضرب الودع
11	حفز ذاتك
13	صورة الحلم القديم
14	عالم الغيب
16	عام جديد
19	علمتى حياتى
21	على أذ الإيد
22	عكس الإتجاه
23	عيد الحب
25	عيد الأب

26	قدر ومكتوب
27	فى الدنيا
29	قسوة الدنيا
32	قصة حياه
35	قلوب الناس
37	قطار الموت
39	دهبيات
41	دمعة عينيك
42	شهر زاد
43	شجن
44	صاروخ
46	صك الحرية
48	عمرى ماحبيت
49	صورة مشاعرى
50	شمس الدفا
52	عيد ميلاد
53	عيونك
54	بخاف عليك
56	فاكرة
57	ممکن

59	فى عز الليل
61	فيه ناس
63	قابلتك صدفة
65	قلبك ضعيف
67	كان وكان
69	كلمة بحبك
70	كل يوم
71	قلبي متوغوش
72	ليل الشتا فكرنى
73	مع الوحدة
76	رباعيات
93	الشاعر فى سطور
98	محتوى الكتاب

تم بحمد الله
مع تقديري وإحترامي
الشاعر
د. أسامة محمد